

摘藻堂四庫全書薈要

集部

欽定四庫全書薈要

集部

御選明詩卷六十三

詳校官原任主事臣李斯咏

欽定四庫全書薈要卷一萬八千五百六十三

集部

御選明詩卷六十三

五言律詩十四

陳翼飛

齋居

白水浮官舍青山塞縣門
案頭塵未積塵尾禿猶存
莽莽雲中樹瀟瀟雪後邨
齋居春事少農務與誰論

溫陵道中

九日山前路登臨病未能煙蘿從晶晶雲樹幾層層
犬柴門月人魚海市燈不堪間杜宇匹馬過溫陵

悵望

寂寂何多緒憑高魂易銷疎鐘蕭寺雨遠樹海門潮
秋月七千里春風廿五橋愁來頻徙倚蹋破小山窰

卓爾康

初晴許元昭招看吉祥寺梅

言別長干久相思積雨重忽驚梅蕊發如與故人逢入

寺幽香繞方春冷豔濃憐君疎傲似相對益情鍾

吳伯敷

燕子磯同梅禹金作

江落鮫人窟磯傳燕子名濕雲拋雨散涼月帶潮生白
浪浮虛閣青山挂斷城知君有高調流水若為聲

張世偉

居園即事

墻東堪避世新卜野人居巷隘難旋馬池寬好種魚閒

情雲淡處爽氣露零初但解蓬蒿趣窮愁可著書

李孫宸

龍池社集

未盡登高興重來結伴遊江山仍舊識寒意改深秋席
地妨樵徑攀花作酒籌醉忘歸路遠還為夕陽留

葉燦

抱病

別業空山裏孤燈獨夜身交游江上淚風雨病中人宿

鳥翻深竹溪流響亂榛居然成小隱日白綸巾

李繼貞

雪次關山

凍雲天地合飛雪暗孤城萬壑泉流寂千峰玉削成征夫各無語班馬不聞聲惆悵一回首蕭條客路情

歸來

歸來未覺淡銷夏亦多方槐日侵棊暖蕉風入夢涼書臨大米帖爐熱小宗香客至休言事卿言我自忘

王心一

歸渡揚子江

久客天邊路言歸江上舟
山光分遠渚塔影漾中流
薄霧籠江樹平沙狎海鷗
乘潮片時渡十里隔瓜洲

苔溪

細雨苔溪曲微風渡小航
有園多種竹無屋不圍桑
語覺吳儂近流分震澤長
烏巾春店近白酒熱盈觴

繆昌期

送門人程灝然

我已離羣久君能歲一來
茶瓜談舊事水石坐新苔
病骨翻然醒愁容頓爾開
且遲松際月莫聽暮潮催

吳伯與

宿姑孰

作客休嗟滯浮生合自勞
蘋花一枕對蘆荻片帆高
生計存書史鄉心寄酒槽
夜來寒不禁換却舊綈袍

汪康謠

東阿道中

高岸深藏谷頽垣曲帶溪草香風過隴土滑雨沾犁沛
水流終伏荒臺迹已迷前山不可極馬首暮雲低

沈萃楨

田園詩

不淺鱸魚興君恩許挂冠城陰三畝宅日暮一漁竿風
翻秋飛鵠花泥晚種蘭兀然微醉好高枕傍闌干

朱本洽

社集郊外送春

蘿逕村畦遶還紆短策停榆風浣輕袷槐茗瀉寒鉗新
藻水涵碧晚煙山送青玄言與松梵鳥下若為聽

方尚恂

焦山

危嶼江天峙煙光寫翠微吹波豚下上狎浪鳥翻飛客
與愁猿並僧呼老鶴歸潮痕出深樹片片濕征衣

送孟仁直卿南遊

紛紛苦文戰却有幾人閒
白袷青藤去蒼崖碧水間
嘯歌應醉月魂夢不離山
偏我依叢桂三秋獨掩關

俞琬綸

戊申除夕

過歲真如夢明朝復夢初
徑無東郭履遠是漆園廬
客去除殘釀貧來惜廢書
人人欣送臘我意獨躊躇

范景文

夜坐

不寐中宵起虛庭分外清
花因風弄影雲與月爭明
人定鴉棲穩寒初鶴夢驚
颯然生遠樹大半是秋聲

石頭城

荒荒憑故壘傳是石頭城
照返三山影江流六代聲
露華臨夜白天氣入秋清
俯仰悲人代還看古月明

聽李山人彈琴

無言先有韻竹下坐彈琴
忽爾清煩想淵然思正襟
聽泉來石上引露就桐陰
曲罷還疑續空林對語禽

宿長清署中有感作

古驛昏鴉集長塗病馬飢宵寒停柝早時亟啟關遲落
月三更信春風六日期年年行役苦兩度已於斯

過維揚

游子關情處江空白露秋客程初問水旅思怯登樓非
是瞻雲切還應見月愁鄉關歸夢裏一夜下揚州

呂維棋

長山城樓秋望

雨樹晴如洗煙沙日似春水寒清見底峰遠翠初勻露
溼秋衫薄風輕爽氣新浮雲多世態飄泊正愁人

曉望清添翠平林葉半紅杵砧村院裏樓閣水光中野
徑人行早煙汀鴈點空脩然尋古意斜渡小橋東

羅賓王

春日送友人入虔州

旅鴈歸不盡春風朝又過東郊一以別青草更如何客
舍炊榆火征衣換越羅關河莫回首楊柳暮煙多

錢士升

南園卽事

世情不到處獨寐寤歌時但有雲山入兼無樵牧知竹
光虛牖白花氣雜林遲不覺斜陽下鄰家起晚炊

劉榮嗣

病中雜詩

種蔬聊學圃斷酒欲為僧抱病官如葉資身杖倚藤通
宵千里夢四壁一篝燈念友增予媿言歸尚未能

白石莊萬都尉園作

仙圃宜秋色相將戀夕曛松青新濯雨槐古舊侵雲竹
牖池光合山樓石翠分鳳簫遺韻在擬向月中聞

潘曾紘

大柳驛守歲

古驛逢梅發荒邨帶柳斜雪明難入夜山霽易蒸霞碧
篆消燈暈黃沙拂劍花男兒應有氣可復負年華

方孔炤

高陽池

習家風景好日淡疊山蒼寒水留霜
菱間亭管暮楊堤回騎馬意人想接
離狂不見菱歌起蕭條三兩航

黃尊素

春日早行

抗旌經古道暝色未全分漸隱林間月
微生海際雲輕陰開積翠細草落青芬
誰破瞳瞳曉鳴禽客底聞

彭汝諧

游桃源澗

碧澗山隈轉鳴泉樹杪懸
桑麻綠屋宇雞犬隔人煙
客避中峰雨僧安一宿禪
桃花今又放相問世何年

阮大鍼

立秋前一日坐栖霞方丈

客心元易感落葉不須期
況是先秋夜悠然鐘定時
露涼螢悅草月晶鵲翻枝
是際空山裏能堪薜荔思

沈德符

人日

挑菜傳人日山村樸未知雪深添酒券風橫緩燈期歲
事因貧略春光遇閨遲梅園縱深閉宜賞寂寥時

陳子壯

耕籍禮成恭紀

天子親行畝微臣相秩宗清塵傳蹕靜瑞靄出郊濃高
柳喧靈鵲華芝結袞龍普天應有兆九穀在三農

姚希孟

送齊越石守紹興

萬壑爭流處溪山屬剡東
扁舟仍雪夜五馬自春風
官舍朝嵐滿人煙夕照同
蓬萊讓仙吏安坐翠微中

侯恪

富莊驛曉發

漠漠寒霜白荒荒曉霧青
雞鳴通戍火月落暗旗亭
村遠時間鴈林疎尚有星
鄉關遙在望殘夢正初醒

渡河

晡日方開渡中流亂晚晴天迷煙樹闊岸轉雪舟橫擊
楫還餘恨歸心不計程茫茫愁思集沙鳥宿爭鳴

巴陵

一夜巴陵雨湖光接洞庭天圍麋子國波入楚王亭歲
遠山樓廢春深草木馨惟餘羣鴈北蕭瑟不能聽

暮春益陽道中

忽忽春云暮勞勞客未休江山窮楚域風雨亂鄉愁地
煖鶯偏少花開水漫流停驂時悵望沽酒庶淹留

吳麟瑞

除夕

歲盡愁無盡殘鐘客思微
一官滄海遠萬里白登圍
越鳥栖初定燕雲信轉稀
枕戈空待曉無術報宵衣

高道素

秋日寄沈無回

涼風起庭際簾幕迴秋陰
一葉空階落孤燈獨坐深
芙蓉思遠道蟋蟀動愁吟
誰念閒居客能傷遲暮心

雪夜渡鎮江

江水寒猶激方舟夜未央驚濤沈鐵甕急雪下丹陽獨
坐親孤燭商歌送羽觴白門遙在望葭菼鬱蒼蒼

過清流關

設險何年事登臨四望賒天門閒虎豹地軸轉龍蛇王
氣紛榆社風煙博浪沙棄繻關下客懷古一長嗟

阻雨彭城驛寄懷李九疑禮部

乍失河陰樹難分淮泗山寒煙原上白秋葉雨中斑鄉

夢深宵斷琴聲永日閒遙憐和歌客相憶渺江關

湘江旅懷

北渚初涼夕蕭條兩岸風煙波連漢口雲樹出湘中碧
草王孫路黃陵帝子宮此時愁欲絕不待暮潮東

衡嶽半山亭遠望

五嶺宗南嶽羣峰冠祝融路從山半合亭對海門空岫
嶺豐碑蝕瀟湘極浦通冷風如可御吾欲問鴻濛

馬任遠

秋思

旅情惟自解官況可誰知寂寞砧敲夜淒涼葉落時露
寒蛩韻促風冷鴈行遲目斷雲山外鄉關有夢思

過石固山

側嶺排青嶂層巖鎖翠微野狐衝馬立飢鳥傍人飛木
影初移杖雲根半護衣相看殊不極落日澹餘暉

秋日閒居

濯水清花面烹茶浣酒容霜殘辭樹葉寒逼入牀蛩飛

鳥穿雲破晴煙擬霧濃孤筇返照裏隨意數山峰

山村

萬壑鳴湍籟孤村繞斷津牆花依蔓草林鳥狎耕人鑿石皆離合誅茅半棘榛山家三五輩煙火共相親

陸文衡

趙州道中

處處冰溪結村村籬落遙林收春響急獵罷馬蹄騎雪竇紅爐火霜帘綠酒瓢繭絲兼保障何以慰漁樵

施邦耀

暮望

返照開西峽穿林渡遠塘
卑枝散高影遠岫駐餘光
城市歸人急江天宿鳥忙
自傷遲暮客日日送殘陽

蔡懋德

月下步朱龍橋

長虹何夭矯獨跨萬山中
一道來飛練千林壓冷楓
歸雲奔遠岫涌月洗寒空
攬袂登高立憑闌望莫窮

顧大猷

春初雨雪新霽過烏龍潭訪謝少連

林竹誰開徑春江斲繫船青山君偶借滄海興應偏城
闕留晴雪衣裳淨夕煙冷然心賞得佳處若為傳

瞿汝稷

鳴弦

莫訝過從嬾知希野性便鳥間窺點筆雲澹和鳴弦幽
事容孤賞心期豈衆全蕭條南郭几兀傲赫胥前

送僧遊五臺

欲叩三車奧還過五髻西
飛雲先錫住怖鷄覓燈棲
金閣看長在珠林望不迷
天花開處處知與石牀齊

屠本峻

會稽道中少憩

鳥道紆回入千巖
綠樹低轉留空翠
處少憩石橋西別
澗潺湲瀉叢林
桑扈啼坐看鳬與鹿
引子過前溪

吳詔相

同張侍御有光汎舟分韻

桂櫂連朝發松雲卓午陰涼風轉蕭瑟細雨潤衣襟歌
酒狂無奈耕畝思更深晚來餘興在不厭再相尋

木青

移石草亭

萬松深窈處獨構此茅廬
剷地移新竹通泉溜小渠
琴書常作侶木石與為居
笑殺求名者磻溪一老漁

莫是龍

賦得窓中度落葉

綺疏臨野渡，秋樹響前林。
颯颯含風入，紛紛逗雨深。
拂來紅袖掩，積處綠塵侵。
誰送哀蟬曲，無端攪客心。
獨樹蕭蕭下，邊淮正可憐。
誤投齋閣裏，不似御溝前。
灑戶驚秋夢，翻經助夜禪。
江潭悽惻處，但莫問長年。

登潤州城樓

高閣俯城陰，松篁一徑深。
晴雲搖海色，夕梵起潮音。
古戍關門斷，山程驛道侵。
江流無日夜，南望是鄉心。

過滕縣

邑傳滕子舊爵序薛侯先壤地雖褊小君臣自井田禮
猶宗國秉館想上宮連遺恨千年事何勞授楚塵

送俞生之金陵

驅馬向斜日秣陵尋舊遊人應草堂在月滿大江流春
燕投新社離鴻失故洲看君留別意不減落花愁

送陸生遊燕

小陸江東俊名先入洛間猶能藉知己未可怨離羣燕

地春邊雪吳天野外雲翩翩徒羨爾西笑立斜曛

宿河口酒家

笑指停橈處煙荒一水斜村旗招野客岸火認漁家
淡月微侵幕初潮淺映沙海天應不遠吾欲訪靈槎

贈任城故知

此別何疎闊風煙宛昔游馬頭芳草路柳外木蘭舟
易隔三年夢難期十日留任城今夜月閒殺酒人樓

甯祖武

新安夜泊

芳草綠如此征塗尚未窮
隔江商店火近市酒旗風
人語村村異溪聲處處同
不須愁落魄人世總飄蓬

任山甫

和費民益韻

萬里事行役經年往復還
愁多生白髮病久改朱顏
不厭沽新釀長思返舊山
因君歎留滯牕外雨潺潺

劉成美

南還道中

春去花齊落人歸路轉賒
峰陰昏霧合樹影夕陽斜
溪隔循紆徑橋危渡淺沙
停驂聊對酒醉處即為家

卞洪勲

歲暮述懷

戶外塵非隔庭前草不除
技方慚畫虎賦已就枯魚
燈影隨風蕩鐘聲帶雨疎
半生無別嗜惟讀父遺書

田藝衡

山中

避俗非遺世無材合背時
獨居如我僻幽事與心宜
暮雨喧茶臼秋山落硯池
臨風聞伐木猶自動遐思

遊三茅山訪鄭鍊師

小隱居城市悠然寄一丘
青山同入定黃葉自悲秋
湖影搖晴榻鐘聲度暝樓
丹砂何日就期爾在玄洲

謝三秀

送吳使君攝八番郡事

才子飄零久，今看治郡功。
地當三楚盡，山到八蠻雄。
詞賦霜毫裏，桑麻露冕中。
孤城饒吏隱，解帶聽松風。

夜集薛葵軒明府西巖

曲磴穿叢篠，風煙憶武陵。
飲能瘳阮籍，嘯或似孫登。
投轄留山客，呼船送嶽僧。
江城無堠火，薄暮見漁燈。

焦溪雨渡

遠岸平蕪綠，寒流似若耶。
雨深人喚渡，春老客思家。
野葛牽青蔓，溪藤落紫花。
浮名是何物，漂泊又天涯。

辰陽晚泊

春流似建瓴春色晚冥冥溪菜盤餐滑江魚匕箸腥月
來沙漸白煙斂樹猶青漁父方舟處間歌媿獨醒

洞庭夜泊石門對月

平湖涵霽景涼月漾晴暉樹極長天盡雲歸別島微燈
前秋社燕夢裏故山薇誰念滄洲客飄零未授衣

西菴徑中萬竹脩然喜而賦此

負杖入深竹一盤仍一盤鄰僧分路去野客到門看不

雨夜尤綠無風夏亦寒素琴多遠思宜對此君彈

王象良

雨中登鹿角山宿趙荆石宅

厓古憑空閣峻增石徑斑龍源花外水鹿角雨中山幸
有心知共兼逢地主閒登臨無限意信宿不知還

吳稼登

秋夜有懷

孤燈掩虛室獨枕撫空牀客寐何緣假秋宵一倍長離

懷江水急薄命柳條黃西月橫天落烏啼滿樹霜

王同軌

行山中

雨餘林氣靜山晚日光斜野店依孤樹村橋臥斷查馬嘶遙澗水犬吠隔籬花白首鋤雲者春風自一家

華善繼

舟中述懷

高城片雨外倚櫂亂蟬鳴遠樹他鄉色浮雲過客情泉

甘知早竭木散得長生悔逐時人後空將骨肉輕

雨後

高樹留殘雨層城帶晚煙
厨香菰米熟架滿豆花鮮
未改狂奴態還為長吏憐
不因公事暇那賦白雲篇

春盡

即看春欲盡漸覺客衣輕
燕以飛蟲下魚因落絮驚
看雲忘拙宦對雨憶躬耕
最愛新移竹清風葉葉生

華善述

旅懷

萬里秋將盡孤舟夜未殘獨愁成淚易清夢欲歸難鴈
落繁霜白鷗飛片月寒朝來行客鬢映水默相看

晚秋鄒靈壽見過

野田猶汎濫籬落亦荒蕪啟戶聞鳴鵲停舟散浴鳧愁
來說鴻寶酒後憶雕胡君定知朝事今年可賜租

梅鼎祚

秋夜過盛仲文

濁酒淹霜夕繁枝映戶庭冶城高片月淮水蕩疎星秋
漏愁相促寒鐘醉共聽世今無北海誰慰爾飄零

送順公還吳

自得清涼界因乘溽暑征禪心無住著遊脚有歸程宛
水浮杯小吳雲託鉢生松枝東向處知是舊經行

酒醒

夕雨復宵風單眠夜易窮酒醒燈炮裏秋減葉聲中掩
氍衣仍短纚腰帶漸豐自非儂共汝持意向誰工

曹以新自婁東移居吳門清嘉坊寄贈二首兼
懷二王公

五湖浮未去一畝闢旋通
爽塏方茲日清嘉本舊風
魚鹽安市隱蟹稻祝年豐
此地鄰堪卜相期覓數弓

曹丘誠長者輔嗣得賢甥
馬策西州路鶯花亞字城
平生無長物獨往有深情
儻憶三龔色浮家一葦輕

金陵客懷

恣意游能數多懷望轉迷
清秋雙闕外佳氣二陵西
鴈

金
卷之十三
已先霜下鳥仍近夜啼都正酒太惡不得醉如泥

梅蕃祚

重過道甫叔山居

谷口子真宅松蘿境自偏當牕懸衆壑隔樹見飛泉送
客柴門下尋僧野寺邊時時來取醉人道竹林賢

吳元樂

八月十二夜作

暝鐘初定後秋氣漸深時顧此蒼苔上冷然白露滋蛩

還依砌響月自隔林移不見素心者空懷夙昔期

宋登春

秋夜鵝池侍宴應教

車馬荒村夜流螢水面多野雲停几席江月引笙歌樽
湛淮南酒池添道士鵝白頭慙受簡休問賦如何

荊州雜詩

問藥過城府兒童晚未回雲深宋玉宅雪暗楚王臺花
發春猶淺樓高賦轉哀家家湘酒綠誰為一樽開

秋日上黨道中懷故鄉知舊

白髮生青鏡
黃花吐素秋
家書無鴈足
客路一羊裘
燕辭鄉社山
猿傍酒樓誰
堪回首處
千里暮雲稠

山樓秋夜有所懷

旅宿燕關暮
天寒霜葉稀
涼風生夜榻
客淚下秋衣
路遠鄉雲斷
山深邊草肥
堪憐珠樹鶴
何日故林飛

晉陽山中元日

野老憐時序
壺漿慰客情
春盤鄰女送
曉樹隴禽鳴
寒

塢驚花色窮邊聽角聲他鄉逢一笑更覺旅魂驚

鷺池留客

園果風還落草蟲鳴不休竹深高閣冷花密小亭幽白
幘留雲鶴青藜狎水鷗一尊同客醉不用典吳鉤

新春堂成寄懷所知

老去還杯酒春來自草堂揮金曾有志煮石竟無方岸
水浮鷗鵝林花宿麝香故人江漢少念子意何長

九月三日方別駕攜酒散見過因懷徐荊州

客淚秋能下人情老自知塞寒鴻雁早江暖鞠華遲對
酒憐吳語聞歌憶楚辭明年誰更健重把紫萸枝

江村寒食

白鳥忘機久青山吾道存興來從杖屨老去愛雞豚楊
柳橋邊市桃華江上邨童兒沽酒至風雨閉柴門

春日野眺簡徐荊州

春問沙棠楫寒生杜若洲山雲已子國江雨仲宣樓歲
月餘華髮飄零隨白鷗誰憐能賦客劉表在荊州

村居秋夜即事

樹蜜多棲鳥池深足躍魚江雲輕葛冷山月小堂虛寒
竹依闌砌秋花映石渠流螢何意思故故繞琴書

秋日江村寄懷顧五

水白魚蝦市天青鸛鶴林露華浥細草秋氣靜遙岑子
夜吳門調幽蘭楚客心相思渺何許日暮大江深

秋日登李仲培山樓

地僻雲侵榻簾疎風滿樓霜寒籬菊晚鴈度渚蓮秋滿

篋新詩草橫磯舊釣舟清尊隨處醉萬事付江鷗

飲王太史山莊

郢上文章伯山中太史家養年常種藥間日但修花竹
澗明秋水松枝落晚霞兒童憐醉客瀹茗夜烹茶

遊王氏郭北山樓

徑草連村舍山樓帶郭橫開尊招野客倚樹聽流鶯露
自花間滴雲從石上生幾迴漁笛響素月嶺頭明

登仲宣樓值雨

南國春留客東風雨颺絲江雲迷楚望野水接松滋紅
濕桃花片青回楊柳枝空餘懷古意日暮倚樓時

春寒睡起口號

白髮白於絲春眠起較遲即看芳草變又過杏花時短
褐寒先覺長吟趣自知誰云魯酒薄猶免越人思

秋日野望

聽鳥中林性看雲故國心地卑湘漢闊天遠洞庭深老
馬空知道窮猿豈擇林十年書劍客寂寞到如今

陳昂

暮春題灤西新賃草堂

峽口連江口山鄉亦水鄉
春來容膝屋雲倚及肩牆
旅食亦求靜偷生且善藏
灤西居頗適好賦反騷章

過涪州

寥落一涪州驚心幾度遊
屢更新地主不改舊沙鷗
片月穿仙嶺微雲止戍樓
山山寒氣甚夜半擁重裘

湖面

湖面初秋色清如鏡裏清潮來飛白鷺煙至織黃鶯虹
學美人出風為少女行此間塵不到身世兩忘情

一路

一路頗幽閒行行又幾灣微茫聽竹籟次第較花顏林
壑千層瀑茅堂四面山卜居如得此日日閉柴關

雨後天晴放舟下峽

雨後虹方挂晴來霧始收風光明翠岫江色淡新秋返
照薰殘濕寒潮踏急流放舟下三峽定醉仲宣樓

初歸躍馬澗招長干忠公

萬事不如意方知無事閒
傍牆分煖日移榻就春山
黃鳥飛初下清泉汲正還
題書寄開士帶月扣柴關

坐法藥寺樓

樓居固所好安可對斜陽
天外連芳草雲邊望故鄉
雙星分四野一鴈應初霜
滿目蘋風起扁舟意敢忘

歸舟月下寄友

萬里南歸客風前五兩鳴
荻苗沛秋水霜信急前程流

落憐妻子飢寒仗友生
遙遙天上月此夕最關情

江南旅情

月落青溪柵潮平白鷺洲
林深常似雨江靜易生涼
月來天外明河俯渡頭
飛飛鴻雁影不見尺書留

馮遷

送唐世其北上

君去青山外予吟綠水邊
忘機鷗性狎快意馬蹄穿
魏闕通霄漢吳臺思管絃
遙知聽雨夜定憶小樓眠

潘伯明邀飲朝天宮

邀我來仙界林深引玉笙坐來黃鶴舞醉倚白雲生江
作千年塹山圍六代城興亡易悲感何地訪初成

荆溪夜泊

細雨延春酌寒雲濕暮鐘客舟依樹小野火隔溪重風
水期無定登臨興轉濃明朝買雙屐共爾躡羣峰

葉之芳

入新安溪

可怪新安水舟從石上行不風秋暮冷無月夜深明古
木何年偃危湍幾處驚千尋猶見底曾數越江清

別楚生

同君楚水別獨向晉陵歸秋葉霜中盡寒帆海上稀城
荒衰草遍山遠夕陽微最是添愁處天邊一鴈飛

寒食金陵病中作

東風吹短褐寒食傍天涯客舍孤城雨鄉心二月花遠
山青極浦芳草綠平沙不盡王孫淚年年感物華

柳應芳

予適太原熊惟遠吳求叔還武昌同賦

方舟臨古渡分路思依依自是行人衆非關送客稀
晉山將北向楚水復西歸同作離羣雁君還一處飛

別車福州

孤舟將北渡轉轉切歸心衣積他鄉淚琴操故土音
山長催日暮江暗結秋陰回首閩南路思君一水深

題陳蓋卿溪上居

晚歲家溪上蕭然林下風
栖雲山向夕寫月水承空
岸折長橋落城臨小市通
看君忘出處將老一丘中

秋夜感懷奉寄陳抱一先生

砧杵千家急偏傷故國情
夜雲輕欲散涼月皓方生
燭照愁眠影蟲吟病起聲
載懷今昔感老媿鄭康成

安紹芳

旅泊

秋盡仍為客江寒獨繫舟
微霜下木葉遠火露蘋洲
無

那風前鴈偏生枕上愁孤帆明更發何處復淹留

聞龍

山居即事

積雨朝來歇諸溪盡急流隔河看飲犢倚檻有浮鷗雲
冷松根石風微竹外樓蕭然無一事開徑遲羊求

送趙彥忠游吳興

吳興舊遊地遠想尚依依荻岸青簾舫桑林白版扉計
程千里近屈指一年違從此斜陽外看山悵獨歸

李瑋

田舍

廣陌度秋風
田家門巷同
藤花金一色
豆莢箸雙紅
穠蓂存生理
篝車見歲功
茅柴新釀得
逼醉社南翁

野興

彌望東臯上青山
亦未遐煙嵐深邃
谷林薄兩三家
戲聚沙成塔
清環水學已美人
湖一曲吾欲採瑤華

楊承鯤

湖干曝日

閣外柳條長平湖半夕陽雪消沙草綠春動水煙黃老
漸思丘壑貧猶典鷓鴣理生無遠計曝背近東牆

無能

漠漠島煙台紛紛林月生小山全入霧大水半浮城鳴
櫓通晨過疎星永夜明無能逐世好嬾與癖相成

寄題江心寺

勝絕江心寺江空塔影長潮痕剝斷石海氣濕危廊僧

老秋無寐鵬寒翅有霜英雄餘涕泗風雨弔殘陽

小山

還山抱黃犢沙草日蒙蒙竹屋難禁雪松門不掩風香
餘栗葉火寒落桂花叢寥落青江外吾生亦有終

小山歸得長文書及新詩二首兼惠茅栗如數
奉荅

茅栗何年種分匡見小奚色兼霜芋早味與露葵薺
袖呼兒子嘗新媿老妻永無懷橘日剩有萬行啼

脩園觀刈稻詠懷

老覺衣裳薄寒催捃拾頻尋常邛徑小來往路人新
治靜飢魚出林早宿鳥馴雞豚與閭巷不厭野夫貧

諸葛鯨

渝城人日簡李給事

訪舊來何晚輕帆落驛亭江迴劒外白山繞漢中青
萬里逢人日孤城感客星知君懷諫草翹首望明廷

黃維楫

送王元甫舍人使襄藩

玉門將醞酒使者捧銅圭
玉節湘雲外星軺漢水西
恩頒丹鳳詔歌唱白銅鞮
山簡流風在能無醉似泥

武林與王符李葉四博士夜酌

煙草碧連天吳山春可憐
客情千里外鄉語一尊前
細雨鳴深夜疎燈照別筵
關河又明發罷酒各淒然

陳有守

秋日過大雲寺

出郭躡雲岑祇園淡午陰林疏風葉下壇窈雨花深石
室僧初定金堂梵欲沉寥寥方外趣殊了去來心

盛時泰

福安院同慧生閑步

玄暉曾弭節太白亦題詩京邑非前事新林似往時山
深秋氣重谷遠磬聲遲不為逢支遁幽懷孰與期

過上莊訪宣居士

獨行深樹裏細路繞茅堂山色迎人出梅花度水香燕

泥留雨氣魚藻入天光住近石橋畔村沽夜可將

城山訪鄰叟

獨是躬畊處相依亦有君山從千嶂繞徑向一林分水
滿魚竿覺苔香屐齒間從余深隱好莫使勒移文

和人游北固

歲暮將何適三山煙雨邊日明知海氣雲盡識江天古
樹開僧寺寒潮蕩客船登臨殊有意濡足祇堪憐

張正蒙

雨夜宿王孟起山莊話舊

山堂聞夜雨，隔牖洒長松。
漬草悲蛩語，侵苔冷鶴踪。
林喧和葉下，澗響雜邨舂。
不倦連牀話，憐君意轉濃。

東郊

東郊棲息久，老至謝逢迎。
秋霧沉山白，寒流拍岸清。
葛巾還自正，茅屋不須營。
小摘畦邊菜，常留共友生。

立秋夜溪間笛有懷程孺文

相思意不盡，迢遞且登樓。
玉笛梅花夜，銀牀梧葉秋。
開

簾片月上傍水一螢流今日蕭條色憐君萬里游

秋日王孟起山莊

天末商飈起家家間搗衣砌蟲經候響籬豆及秋肥自
是機心息寧知世事違鄰僧有高致日暮叩巖扉

秣陵館夜對張山人

秋風山館夕一榻近燈前共話忽深夜相看非少年斗
垂天末樹燐出雨餘田亦有茅簷下飯牛人未眠

溪上

自識茅茨趣風光合在茲柳青春雨潤山白曉雲遲幽
意居偏得閒身嬾更宜忘機溪上鳥來往日無期

秋日即事有懷黃任甫

開門涼氣入默默坐移時積雨逢初霽斜陽照短籬交
秋桐落早閨月菊開遲朋好遙相憶清尊何所期

冬日閒居二首

僻居心遠矣閉戶日蕭然一水帶寒月孤邨幕夕煙貧
惟尊酒在詩豈衆人傳却憶蒙莊子冥搜內外篇

夜永衾孤擁簷深月半窺霜邨雞唱早風樹鵲棲遲舊
社嗟搖落新詩記別離挑燈坐不寐無夢到天涯

江閣

寂寂重扉掩悠悠倦客情江深當五月閣迴接層城細
雨鶯聲潤微風水氣清科頭坐長日詎羨世間名

程伯陽

園居

籬落帶疎林園居一逕深隔鄰分果樹傍戶埽花陰不

賣成都卜長為梁父吟翻嫌桔槔者抱甕百年心

都門逢族人

白髮都門道相逢意自親
即傾竹葉酒共醉柳花春
漂泊任孤旅疎狂異衆人
還思汊口上歸去好垂綸

俞安期

渡江雜述

山過白馬渡千里斷平原
水出雲根上帆行石峽門
未寒厓已凍不雨晝多昏
何自間人語荒荒虎豹邨

卜居陽羨

雞犬成墟落蕭蕭半畝宮
湖山元作長田舍復稱翁
五口中人產千家太古風
無由知帝力耕鑿自為功

憶家

故國千山外經秋遠別離
浮生能幾日為客此多時
衰眼高堂淚寒砧少婦悲
天涯念游子風雨共淒其

陸弼

雨後登虎丘宿梅花樓僧房

高閣藤蘿外扁舟暮雨殘鐘聲知客到山色入門看月
出千松靜雲披片石寒支公擅名理終夕奉清歡

大安道中

薄遊歷吳楚忽忽更南征春色關門草年光過客情山
街紆路轉水劃峭崖鳴一被風塵誤空多世上名

宿句曲山中酒家

襆被向天涯蕭條寄酒家青山仙宅近黃葉客途賒夜
塔飄鈴語風窗墮燭花匣中雄劍在那敢負張華

黃克晦

登鼓山絕頂懷林公濟

天路蒼蒼色風泉瀲灩聲未驚人境絕已覺客懷清轉
石生江海分林隔雨晴故人期不至雙眼落秋城

胡宗仁

閒居寄友

家住青溪曲春深花竹迷君來若相問直過石梁西屋
壁峰陰合門籬槿葉齊蕭然半迂事課水灌園畦

林茂之新居

客舍何常定三年跡屢遷
今來營一室形勝石門前
地僻幽巖列池平野水連
知余日相過短榻不須縣

歲暮送姚園客自白下往吳越

逼歲難禁出白門猶客中
寒生夜山雪晴卜曙江風
花落竹堂靜煙消石屋空
并州望音信莫久滯郵筒

夜坐

篝燈常獨坐淪茗與攤書
殘月半牕白寒星徹夜疎
不

眠增晝短延漏惜冬餘此意自終古中懷未忍虛

王嗣經

人日送范東生還吳澹然之燕

共沾人日醉那謂客程分
早樹呼鶯友晴沙戀鴈羣
夢交南北路情作去留雲
管取秦淮柳連枝好贈君

晚望

雨餘湖色靜雜樹晚氤氲
空水遙難辨山花近漸分
葉齊增岸影魚聚蠹波紋
日出林光白英英散宿雲

王伯稠

蘭若即事

興來時野眺小立倚柴扉
一雨清波動雙林片月歸
山
龜藏竹語水鳥出花飛
不覺空煙暮濛濛翠濕衣

鄧欽文

洪光寺懷陳更菴

寺裏還藏寺山頭別起山
磴盤千級上僧占一峰閒
秀
色杯前墮孤雲杖底還
元龍負奇好惆悵不同攀

林世璧

月

玉露晴初墜天河迴欲流誰憐今夜月還似去年秋影
逐寒雲起光緣暮杵留關山千萬里偏照漢家樓

早冬寄懷

嬾慢陶元亮經年獨掩扉不知秋色改但見菊花稀落
葉階前度寒禽樹上歸停雲那可賦徒爾壯心飛

姚和鼎

懷胡孝廉謁選

偃蹇慚予拙飛騰羨爾行
春風燕市酒夜雨闔閭城
吏隱懷方朔貧居笑馬卿
相思有尺素愁殺鴈歸聲

許賓

入新安界

十日疲行役雲山接大鄣
馬蹄知故道人語別殊方
過雨防沙溜臨溪問石梁
羅含家已近蘭草徧池塘

逯希韓

山居

白髮山中老飄然遠世囂
泉流分燕尾詩藁束牛腰
笑傲花三徑酸甜酒一瓢
披襟坐明月席地話漁樵

胡一桂

吳興九里石塘即事

路出桑陰盡澄湖野望賒
菱歌依岸柳舟影入蘆花
煙起迷邨白雲移見日斜
異鄉風景在羈客倍思家

汪廷訥

夏日池上

水靜追涼便林繁得暑遲
采蓮木蘭櫂佐酒竹枝詞
藻綠魚遊處蘋香鳥下時
不須遠歸去新月已如睂

邵正魁

白雲湖泛舟

堤畔連青草湖中多白雲
扁舟一以泛之子得同羣
卷幔雨初歇看山日欲曛
芙蓉未堪把心已愛清芬

過仲開江上居

以我不如意憐君江上邨有田能種黍好客足開尊山
色青當戶潮痕白到門涼生五柳樹晤語謝塵喧

盛以約

喜雨

好雨終朝遍蓬門野興繁憫農勞苦日植杖桔槔園急
擢衝萍葉深池浸竹根怪來雙屐健散步上南原

張三極

雨後過王明府公署

豈謂金門客能兼大隱名庭空歌鳥下吏散酒人迎綠
水新添砌青山半入城還將江上楫聊為采真行

汪元英

商山秋日對雨懷永叔仲升

秋雨何曾歇秋深倍寂寥折荷偏淅淅落木更蕭蕭雲
黑多迷徑溪寒半斷橋商山苦幽阻綺角竟難招

有客

有客沉冥久何心自解嘲病遭毛穎役貧絕孔方交歲

月甘含蓼丘園任繫匏不如將子燕華屋託新巢

汪元范

泊丹陽

晚次丹陽道舟停赤岸林雲容垂嶺薄秋氣入江深落
葉隨寒雨棲鳥噪暮陰風帆無定泊行子若為心

同楊邠州仲啟登太王城

墉堞基猶在臺隍客自過斷雲低阻嶺峻峽束涇河水
納陵陰少民居土穴多遺風勤稼穡千載感豳歌

程可中

銅井道中

去馬秋能健歸懷因暫通水沉江畫壁霜淨鴈書空瓦
甃占邨古菑畲得歲豐依誰成旅宿篝火護飛蟲

詠沙岸限沙字


蓬牕不自得隨意坐高沙痕蝕漁梁淺莎連鳥跡斜善
崩防岸柳餘潤長汀花最喜行黏屐沿流到酒家

送章元禮吏部左遷羅定

謫籍名猶借君恩轉覺饒
朱陵南紀盡丹闕北辰遙
安
置憑荒裔明良願聖朝
枕榔林樹外僕馬影蕭蕭



御選明詩卷六十三



總校官庶吉士臣侍朝

校對官檢討臣蕭九成

謄錄舉人臣傅瓌芳

欽定四庫全書薈要

集部

御選明詩卷六十四

詳校官原任事
臣李斯咏



欽定四庫全書薈要卷一萬八千五百六十四

集部

御選明詩卷六十四

五言律詩十五

葉太叔

小築

性本耽篇籍尤憐誦絕交先生號東郭小築近西郊
花霧侵衣袂茶煙亞竹梢坐行都自適好鳥語咬咬

吳紹奇

螢

忽向籬邊繞還從井畔飛
雨昏光不滅露重影猶微
伴讀來書舍窺眠入翠幃
黃花秋老後未識汝何歸

浦口

水市千門列江邨萬井通
馬嘶流水外人語夕陽中
雪浪高吹樹蒲帆軟趁風
故鄉天際遠雙目送飛鴻

編籬

負郭幽居僻編籬接短牆
種瓜看蔓引栽菊待花黃
犬

吠驚殘月雞栖趁夕陽貧家隨分事世外得清狂

吳璜

曉發金壇出黃堰有懷箕仲田叔

山縣侵晨發舟行何處村宛然新水竹疑是舊柴門急
雨來江口飛泉出樹根無由尋二仲幽思共誰論

黃好信

春鴈

萬里湖南鴈春來又北飛亦知鄉土異不戀稻梁肥絕

塞心先到長河影漸稀
玉關門外客應待問征衣

盛鳴世

贈隱者

只在高霞外無人識
去蹤伴猿栖一室放鶴下孤峰
丹竈雲中火青天夜半鐘
平生長往意相望不相從

送柯孝廉之巴東兼呈黃廣文

去問巴江水荆門更向西
挂帆秋葉落上峽夜猿啼
舊侶傷飄泊新歡惜解攜
湘潭憔悴地已恐旅魂迷

送臨江蘇太守

五馬夾朱輪清川不動塵問山廬嶽近領郡虎符新吏
冗詩難廢民稀俗易淳江花迎路發十月待行春

宿麻河

積雨湖田沒居人生事微白魚休市早烏鬼載船歸月
黑村春盡林深岸火稀緯蕭眠不定中夜賦無衣

重過華子澄

柳市南頭路三年此重過長貧為客倦高卧奈君何嶺

背夕陽盡月明秋水多徘徊那能去門外即煙波

夜遇凌方弦山齋

十里到孤村柴門下夕曛霜鋪平野月鐘斷隔溪雲病
骨逢秋健清言忘夜分自君多祕術猿鶴漸成羣

贈曹鳳岡

仙才多玩世況復幕官閒鶴養空庭樹雲栖傍閣山酒
干官長禁詩乞野人刪為有延徐榻相期數往還

李宗城

送臧晉叔國博還吳興

宦自潘安拙才應宋玉偏還家千嶂雨挂席五湖煙以
我多愁日逢君失意年江干一尊酒寧不倍淒然

王之鼎

贈友人卜居

高士移家處來尋路不迷雞鳴深巷裏門掩斷橋西招
隱仍栽桂看山獨杖藜平生厭塵事今日遂幽棲

何璧

秋日過能始民部署中

為郎無一事客到但行吟
落葉滿官舍此中秋更深庭
虛聞咽潦門冷集寒禽
一自黃花對轉懷頭上簪

廣陵送王太古還白下

我有秦淮夢雖還不是家
送君隋苑上惆悵柳條斜
歸客趁新燕遊人歎落花
傷春兼惜別況復在天涯

戴景明

深秋山居

莓蘚深層岫松杉漾北淙清宵唯鶴唳盡日少人逢倚
檻三秋老攤書萬事慵夜分魚鳥靜明月半東峰

沈瑞徵

杪秋同諸君游石井山

絕巘攀躋外蒼茫秋色殘雲山千里出煙樹萬家攢石
轉奔濤壯天空落日寒扶桑一矯首海氣正漫漫

錢清夜行

秋漲乘流好孤村夜泊稀漁榔過橋遠螢火傍舟微堤

沒聞爭渡涼生欲授衣夢歸懷土切山水願多違

江禹奠

嚴陵城下

背郭千邨合中流一刹孤輕陰閣秋雨殘照落平蕪入
市魚鰕少歸舟鴈鷺呼客囊任羞澀解佩問當壚

東倉

信宿翠微上脩然絕世氛喬林含曉日清磬落層雲海
色當窗見泉聲入夜聞半生塵土夢俱向此中分

夜泊燕子磯徐潤海同宿舟中

古樹懸崖下孤舟客對眠
江楓隱漁火山犬吠寒烟細
雨不成寐殘星猶在天帆開人見影
夜起坐談禪

過呂氏山莊題贈西巖主人

徑開無俗客一榻草堂清
野老自來去山翁忘送迎
引杯延夜月選石坐松聲
語及無懷世彌深懷古情

江行

夜出寒沙港山城半渺茫
乘波秋月冷夾岸蓼花香
月

色隨帆遠江聲入夢長天涯樓泊久暝卧見吳閶

舟中夜雨

舟行虞淺水一雨漲新流入夜雲初合隨風點漸稠暗
添千澗瀑洗出萬山秋夢覺蓬窗曉淒然動客愁

釣鰯

西郊

十里平原地青山遶碧林寒開煙雨色天遠鴈鴻心落
葉還蕭索浮雲自古今不妨乘暇日載酒數登臨

姚旅

瑯琊道上

魯酒猶堪醉瑯琊
奈可棲荒邨
花不笑殘日
樹含淒城郭
寒沙外人家
古墓西
惟餘霜月夜
烏似白門啼

賦得秋鴻送客

候氣向鄱陽
星河掠桂香
衝霜憐羽白
催葉渡江黃
顧影成佳侶
將雲束遠裝
他鄉有離別
撩恨綺尊傍

魏之瓊

訊程孺文

不得巢湖信時詢渡口居繞籬河路折背郭草堂虛林
靜風驚犬溪喧晚聚漁主人游未倦閒殺半牀書

汪功胄

春日閒居

韶景當春半閒居覽物華綠分當戶竹紅過隔牆花樵
牧依林近溪山帶郭斜閒身甘自放吟卧寄煙霞

黃習遠

寄朱宸卿

與君同里閨只隔數家居無日不相見有時還寄書開
尊呼共飲得句問何如自作長干客別來三月餘

吳邦達

江樓送別

把袂層樓上虛牕四望平柳煙村外市花雨驛邊城東
去潮千里南歸客幾程當歸愁欲別津樹重含情

張儲

聞鴈

孤鴈來何處殘聲靜夜飄江空音淦淦雲重影蕭蕭慣
向風前急偏從聽處遙秦川織錦婦掩淚憶征遼

虞伯龍

舟中

寥落明州客孤懷寄短蓬江豚偏狎浪舟子但呼風歸
夢隨流水鄉書問去鴻不知今夜月千里可相同

孫元孚

草市夜泊

違家才一舍露宿尚河洲
暝霧連汀白寒雲壓水流
灘聲鳴野碓燈影隔鄰舟
入夜霜風急淒淒動客愁

吳鶴

望潤鄉弟

仲月辭家日臨歧接汝書
相傳及春暮應得返衡廬
衣逐客程換花隨驛路疎
來帆遙數盡不見愴何如

戎玠

晚霽與客登浩然樓眺錢塘江

晴色開村樹危樓俯大江潮聲翻絕岸帆影落虛窗水
與遙天合人同夕鳥雙茫茫百端集形影若為降

泊巴東

昔行指川北今始詣巴東山縣無重郭江天有斷虹亂
峰雲欲暝官渡火初紅剪燭供清話蕭蕭暮雨中

顧孟林

寄陸纂父

日日看山色知君在此中祇因一水隔難以尺書通白
乳思林屋青霞記石公儻然乘興去相見對秋風

丁雲鵬

舟次尤溪

客程迷水國山靄護城闌歲涉三冬暮花先十月春魚
鹽通海販橘柚落園珍故舊頻勞慰荒塗未厭貧

周履靖

雪霽同友春郊閒賞

雪霽千山淨春郊麗日暄林鶯啼古木酒旆颺前村共
客趺芳草呼童倒綠樽莫愁天欲暝明月照黃昏

江邊夜泊

停幟暮雲飛殘陽上釣磯白鷗沙際遍黃葉樹頭稀戍
鼓流朱舫寒煙靄翠微朝來風色麗晨起趁潮歸

游及遠

曉發九牧嶺

嘶馬促行役出門星月稀松風吹短鬢竹露濕練衣覽

水秋容淨綠厓足力微鄉關今日盡愁對嶺雲飛

潘之恒

畸莊訪汪伯魚

不因摩詰畫誰識輞川莊把臂秋林下披衣古佛塲霜
前收柿葉雨過散荷香謾有江湖興隨君寄渺茫

慧慶寺訪無懷如菴印宗三開士

寒山東一曲云是白蓮溪寺僻居橋左林深到竹西波
生梁日動梵出逕雲迷莫漫嗟無侶禪枝喜共栖

遊楞伽山

移棹出橫塘悠然見上方
天從湖尾縮山帶樹容蒼
客病消茶碗禪心醒石牀
翻憐亭畔草盡作芼芻香

春燕

海燕留空壘逢春幾度歸
引雛將喈喈識主故依依
解語欺黃鳥謀身尚黑衣
莫嫌泥滓汗曾向玉樓飛

吳夢暘

同周叔隱夜坐

罷酒尚寒色頽然擁衲衣洞簫吹雨歇殘燭映江微道
路人將老鄉園夢不違連朝常少睡支枕問清暉

東生湛園

道路談丘壑惟於此地親了無塵事到各有土風陳池
集常來鳥花窺將去人燭銷仍繾綣半為惜殘春

邀諸友集顧所建湖上水閣

相趁探春去琴尊一為攜花繁那辨樹湖蕩不分堤老
益希新好閒能補舊題酒家知在否煙雨斷橋迷

留贈老僧

閒師日靜坐煩惱靜中除
燕子鄰家去僧離別院居
嶺雲歸復盡山果落將疎
猶有相關事溪頭值老漁

臧懋循

人日送范東生還吳澹然之燕

客居還送客人日更愁人
江樹停殘雪沙禽赴上春
笙歌吳苑酒裘馬雒京塵
相念不相共音書空復頻

王野

訪王伯穀

流水方窮處茅堂空自開
鳥啼春樹綠花發故人來
白日待將夕青山去未回
題門吾豈敢此意寄莓苔

庭前坦步偶見岫山延佇以詠

偶憐山在目淺立意悠然
落落泉春石層層樹接天
半峰分夕照衆壑共秋煙
將謂迷來徑樵夫已過前

山中隱者

野老自童稚看君只舊容
清猿同嘯月玄鶴共巢松
靈

藥登峰採神書裂壁逢相尋不識路仙鹿有行踪

范汭

舟次平望懷王子幻

微茫煙水闊不辨故人家湖上晚風急滿天吹雪花春
帆移遠樹夕鳥啄平沙獨酌誰為慰鄰舟鼓自撈

雨中訪吳允兆

寂寂故鄉路心知尚有人那知今是客猶憶昔時鄰樹
暝煙催夕花寒雨帶春青山獨無恙宛對別來身

琴川夜泊懷孫齊之

野宿次鳬鷺青青荻笋齊
潮痕隨月落山勢壓城低
殘夢風前拆歸心曙後難
還知高隱處只隔水東西

貴筑憇越孝廉別業

結宇數峰間泓渟一水灣
谷風過午冷原樹入秋閒
苔動蘋鱗戲花搖翠羽還
誰知于役者彌日此開顏

吳鼎芳

飯石峰曉步

白鳥不飛處雲光和水凝自吟松下路遙見寺中燈夕
爽山無雨春寒澗有水隔花相問訊月照荷鉏僧

寄趙凡夫

十里寒山路香風正採茶偶隨樵客去一到隱君家細
語生清月閒心託片霞別來湖水闊秋色上蘋花

沈端伯陸仲飛攜酒過碧雲菴

秋色前山好雙扉盡日開卧雲禪侶寂曳竹酒人來空
響生黃葉清陰覆碧苔城中同是月不及此遲回

西湖夜泛

疎雨洗空翠來看湖上山斷橋芳柳外小艇白鷗間月
在美人遠春忙流水間西陵猶喚酒燈影出花關

夜到漁家

漁家近秋水水上槿扉開地寂月初到溪寒潮不來邨
沽惟白墮野坐只青苔為說芙蓉好明朝未可回

金閶夜別費元朗

交從他處定路自故鄉分有夢難成夜無言可贈君一

燈殘細雨孤橐向寒雲未曉林中葉蕭蕭已厭聞

暮投上方寺

暝色投荒寺行盤翠幾層磧花分積雪橋月遞流水一
宿同僧被孤吟借佛燈曉看山下路濕氣滿霜藤

和靖祠前晚坐

山翠出林杪祠前芳杜洲孤煙生後暝雙鳥去邊秋燈
影參差水歌聲遠近舟梅花無復主曾有暗香浮

林屋山石上遲謝去非不至

曾記林中別相期石上遊
亂山空欲暮殘葉已無秋
岸白雲初斷江空月自流
行踪煙水闊何處問沙鷗

寄懷王元直

月照蘋花冷秦淮蕩酒船
還家同一日為別易三年
海樹含青雨江鴻帶白煙
西風又飄泊衰草自生憐

住靜

淨几花為供閒門鳥作緣
水邊盤足坐樹下枕拳眠
月上山窗火雲生石突煙
有時持鉢去隔岸喚移船

隔竹間樵斧臨流見塔燈杖輕時自倚山好不曾登立
石清於鶴浮槎嬾過僧前疇新雨後溪水蘸垂藤

雪夜

暗壁通花氣虛楹覆竹陰亂雲雙樹寂一雪萬山深永
夜枯僧定寒空古佛心斷雲風外嘯隱隱落層岑

青田舟中

碧水漾羣影游鱗細可分飛來數點鴈題破一方雲遠
火微猶見殘鐘斷復聞舟程應未極隨月宿溪濱

夜泛

幾片蕭疎葉霜容點碧嵐波平如在地舟小亦同龕白
水成佳供清香佐野談莫辭歸路杳皓月挂溪南

別方功甫之天目

經年依古寺知爾正囊空為別秋冬際論心山水中新
霜欺病葉殘雨濕離鴻浮玉峰頭月清光似不同

下城高菴

花發秋無數空香雪滿庭溪迴雙股碧峰斷兩眉青禪

影林俱寂經聲鳥自聽巖雲吹欲墮千仞立孤亭

吳兆

宿牛首僧房

連日春遊出同人宿翠微巖花香襲枕石溜冷生衣壑
暝鐘能度峰晴雲不歸紛紛蘿月上且莫掩松扉

舟過金山

重重蒼翠邊孤塔出帆前嵐氣時飄雨山陰欲壓船人
喧京口渡雁沒海門天回首微茫際鐘聲杳杳傳

春游曲

細雨濕春泥，流鶯幾樹啼。
東風淮水曲，落日長干西。
夾道看馳馬，圍場下鬪雞。
倡樓今夜醉，月出管絃齊。

同曹學佺過宿碧峰寺愚公房得風字

入寺昏煙斂，雙橋竹磴通。
僧歸殘磬裏，客夢亂山中。
燈暗窗沾雨，枝喧鳥墮風。
他鄉寥落夜，語笑喜能同。

青谿泛舟偶訪友人

青谿有九曲，曲曲見鍾山。
山色長如此，水流終不閒。
却

於日暮發好趁月明還之子門臨岸維舟且扣關

秋夜與俞安期宿烏龍潭吳家水亭

潭光與月色清徹一園中陰過臨城樹涼當隔岸風窗
虛涵若水亭敞坐如空幽極不成寐高懷有客同

閩中與吳元翰過馬季聲家酌

多君新釀熟邀我客中間剖橘香生手銜杯暖泛顏敗
藤縈格下爭雀墮籬間門巷斜鄰寺朝昏易往還

宿曹能始吳客軒題壁

園亭臨浦口門巷暝煙深池岸波新浴花溪草乍侵雲
來窗上濕月過樹邊陰誰謂留吳客余將起越吟

潯陽張侍御宅詠伎

房櫳花色色池館月盈盈古服仍椎髻新妝忽曼聲聞
香方覺笑辨珮即知名上客莫言醉分歌緩夜情

新秋建安王半隱園應教

薄暮登臺望西山翠滿欄湖雲屯岸宿松露滴衣寒萬
井炊煙歇千家市火殘笙歌引前路花密出猶難

西湖春遊詞

堤暖百花齊，湖春萬柳低。
管絃初沸日，羅綺已空闌。
上已連寒食，車輪間馬蹄。
遊人爭向處，多在斷橋西。

湖水碧粼粼，還疑消與溱。
褰裳臨翠渚，踏草及芳辰。
合岸花薰暖，雙堤柳夾春。
今年風景好，直為遠遊人。

晴光上柳條，結伴戲花朝。
歌近舟沿岸，人開馬度橋。
雷峰看塔迴，葛嶺弄泉遙。
日暮爭門入，衣香滿路飄。

新堤楊柳斜，遊冶肯還家。
珠彈光流月，春衣色勝花。
幕

遮芳草路騎並美人車何處菱歌起仍憐似若耶

舟泊天門山寄金陵故舊

際晚帆投岸蒼蒼暮靄平別愁當月滿鄉夢趁潮生牛
渚今宵客鳩茲明日程漸欣江路少得近故山行

過吳太常山居

只在花深處恒來亦費尋書聲聞竹色鶴夢冷松陰時
過鄰僧飯仍多野客吟冷然暮空碧清磬出春林

將之廣陵過別林古度留小酌

客至摘籬豆一樽相對吟山光當戶冷秋色入門深
即此寒燈夜兼之遠別心明朝廣陵道水岸但楓林

禪智寺李本石宗衍同遊

月明橋畔寺云是舊隋宮磬發山堂寂煙銷輦路空
旅懷深落日古思入秋風耐可同遊在看碑哀草中

沈野

秋日田家

為愛田家樂看禾到野頻不關人共棄自覺此堪親
暮

雨溪魚長秋風樹果新主人村釀好長嘯倒綸巾

秋日寄豫誠

芙蓉漸搖落之子曠佳期日暮孤鴻度天寒促織悲黃
糧春北舍紅葉繞東籬正是登高候無由共酒卮

贈吳少君

一瓢將一杖隨地掩柴扉課僕磨長劒教兒製短衣詩
留閒寺遍夢入故鄉稀邂逅成別天寒何處歸

石沆

觀稻

稻水千區映邨煙幾處斜冷風低起樹輕浪細浮花鳥
雀深深圃鳬鷺淺淺沙社歌聲不絕於此見年華

廣陵紀夢

春盡他鄉夢雲林思杳然落花溪水上斜日洞門前鶴
去遊城郭春來弄管絃倚闌懷勝事光細月初弦

無題

落日早涼歸看山倚竹扉水清仍可鑑雲薄不成衣腐

草螢低照疎林鳥亂飛平生蓑笠意不在富春磯

去歲中秋

去歲中秋月江南水上天剝菱煩伎手煮茗沒僧泉即
事渾如昨追歡已隔年算遲婚嫁了還弄五湖煙

間中喜慕溪兄見過

鷗鷺滿晴沙江邨好歲華投竿魚浪細舉袂燕風斜林
竹初開笋溪蘋正有花得君相聚首沽酒問誰家

溪邊

昨夜溪橋上南畦看稻還解襟聊濯足對影暫開顏羣
動無時息幾人如我閒獨行還獨坐涼月上東山

移居城中東招溪上兩兄

荆樹江城隔梅花歲事殘曾經知別苦敢道路行難凍
雪銷泥濕霜風吹面寒一尊今到手來為話辛酸

江門擬白

何處春偏勝江門自好風酒旗斜路口花信短牆東多
病一居士雙鬟二小童題詩嵩雒去可是白家翁

何處春偏勝江門舊草堂和風團燕雀遲日散牛羊細
草當牕綠殘花隔水香老狂猶稚子拍手咏滄浪

秦鎬

雪後

悲風號曠野漠漠獨行時遠霧攬却亂殘冰界路疑馬
蹄僵鑿落雁羽澀差池得就鄰翁飲深杯定不辭

得顧朗生還金陵信

憶別如今日風霜歲五除亂雲長短夢斷雁有無書江

暖漁揚子原荒獵孟諸相看衣帶隔獨立野躊躇

朱雲卿

春日途中口號

行役日復日奈何岐路長春泥滑馬足芳草斷人腸日
落野煙合花開邨店香吳姬似相識招客酒壚傍

商家梅

自吳門登舟武陵

來往錢塘路今朝倍有情蛾眉過柳色燕語掠江聲遠

翠如鬟沐殘花帶笑迎獨憐一水上吳越女盈盈

至武林邸舍

十載武林路重來半故鄉煙青出牆竹月白過樓霜歲
晚情難住湖山夢易長蕭蕭閒坐處斟酌伴清光

得家書

忽見平安字封題是老親自驚為客久不敢述家貧松
菊縱多故路塗惟一身臨風應不盡還問寄書人

董斯張

過桐江

薄暮櫂歌聲
看山不計程
江晴船作市
地僻縣無城
蜃氣連虹暗
龍腥雜霧生
釣臺猶可望
緩楫未須行

旅宿

亂山行未盡
落照一溪斜
畏客前峰虎
投人暝樹鴉
已知魚罷市
數問酒誰家
計日新安路
應餐白岳霞

王醇

曉出田間

香稻欲辭野邨家無整眠雞聲動高樹人影亂秋田殘
火猶照屋清歌時隔煙東溪舊業廢凝思在驢韉

冬日客中送章結父

一日幾相見歲闌翻遠離莫將歸客意說向旅人知獨
雁追寒陣枯桑語凍枝板橋春水綠憶照並行時

薛岡

華清宮

繡嶺出煙邨宸遊跡尚存離宮何處是流水至今溫輦

路年深廢峰巒幸後尊空餘一片月猶似照朱門

齊菜名

雨中集陳席之草堂

衝雨貪幽賞閒攜扣午堂
砌雲寒抱戶砌草綠齊牀
序綰初舒白鶯穿小閃黃
高談雙耳熱趺坐任徜徉

吳沛

賦得何處難忘酒

何處難忘酒淒淒客卧情
故園心事集孤榻旅魂驚
葉

落秋聲減鐘遙夜漏平此時無一舸何以到餘更
何處難忘酒扁舟路自遙沙平明遠雪浪湧接通潮漁
市紅燈出酤帘綠樹招此時無一舸何以謝征橈

吳上瓚

同林興祚登臺城

寺側尋山徑從空古堞平湖頭舟不繫樹杪葉無聲落
日寒秋壑飛煙薄暮城歸鴉聲不住相與愴游情

周暉

春日移居四首

只隔秦淮路清幽與市分溪聲數番雨鶴夢幾重雲古
研臨池洗名香埽石焚客來方坐定鳥語恰殷勤

垂柳綠依依煙蘿護竹扉酒醒雙燕語病起亂花飛繡
澀芙蓉劍輕便薜荔衣轉因貧與嬾漸覺昔年非

最憐佳麗地蕭散愜幽情不著潛夫論無求處士名鶯
啼催小飲鶴步伴閒行欲結邨中社題詩報友生

春風花事過空翠落垂藤白版扉常閉烏皮几獨凭半

酣疑有得多病掩無能一室何蕭索分明似野僧

鄒之翰

晚坐

村墟帶落日遠見前林山登木雞已下打魚人未還疎
煙橫水際涼吹出籬間孤坐看新月清光遍竹關

虎丘訪王百穀不遇

有約扣松關新詩與共刪開殘荒菊市踏遍柳花灣石
上人無跡沙邊鶴未還往來何所見明月在空山

王龍起

村居

地僻多寒氣山深空是雲
葉黃秋尚淺風定雨初聞
夾竹隨籬入疎藤赴路分
却因人不到添有綠苔紋

曉出通津門

人定戍樓閒明河挂樹間
鴉聲團柘影漁火沒沙灣
月落猶銜水煙開初見山
輕鐘何處動隔岸是禪關

胡潛

送梅主簿子馬之長沙

憶子脂車久淹留，乃至今離情吳市酒。
秋色楚臣心，傲逐世途減貧憐。
宦後深襄陽，問耆舊揮手峴山岑。

方登

次陳蓋卿生辰述懷

不屑投時好，年光寄薜蘿。
著書人借讀，種竹鳥飛過。
有興詩筒滿，無錢酒債多。
丹楓與湖水，相映醉顏酡。

顧祖辰

閒步

僻徑無車馬沿流看捕魚
斷橋疎雨過古木春風餘
片語款鄰曲孤懷仍索居
悠然真意在花竹傲窗虛

夜步

黃昏門未掩偃蹇倚孤松
正見水中月遙聞風外鐘
邨虛春寂寂煙樹遠重重
只覺幽懷愜微吟送短筇

晚步

風疎門柳薄日落暝煙濃
向樹鳥羣亂隔溪山數重
病

閒吟短句衰怯倚枯筇更有幽深意寒流來暮鐘

雨過有懷山中素友

雨過一天碧風來滿鬢涼
餘酣消枕簟長病積年光靜
愛蛛絲巧閒多燕子忙有懷賦招隱叢桂小山芳

客去夜坐

鳥宿門前樹嵐沉水上山
忽聞鄰犬吠知是漁舟還老
病青畦廢長貧白首閒意中
人去遠寂寞道書間

王人鑑

冬日閒居和居士貞丈韻

忽忽寒光早，貧居水上邨。
病疎當世事，拙負故人恩。
黃葉深樵徑，荒煙澹草門。
憑誰論出處，短褐信乾坤。

得草衣道人湖上書

一散菁葱社，松陰路遂分。
孤雲堪作我，朗月輒思君。
溪暖蘋初動，桐敲露已聞。
感離因憶舊，遠望思紛紛。

虞山訪李孟芳

下帆尋舊泊，投暝識巖扉。
徑寂疑為客，燈明宛似歸。
隨

風羣木響欲雨一峰微無計偕君隱空嗟握手稀

豐越人

東阡道中

杳杳泛天色孤村暮靄沈鳴榔應前舫分火度中林酒
病江南客年銷洛下吟惟應故園月偏照未歸心

武陵秋夜值潯陽友

月白夜啼鴉滄江檻外斜風高碁自響霜冷樹猶花行
侶潯陽客荒村越女家相看倦塵土一倍惜年華

早夏陽羨山中病起有懷漢陂舅李賓父

一卧春歸盡清羸寄翠微地偏鶯較少花在客來稀
江竹侵茶圃山榴罨葛衣風流懷二仲吟眺忽斜暉

秋日過李過齋賓父兄弟

多病疲干謁秋風下小船郊扉雲間竹江郭月生潮
過雨桐陰靜聽詩燭燼銷愛君兄弟好華髮共蕭蕭

冬日郊居懷金沙崦西虞丈

數里寒林靜郊居愛日暄枯枝鳴曠澤飢鶻下晴原
洲

暖水生草風疎葉滿園因思高尚者曾過崦西村

春晴

新年恒霽色芳草茂春暉小徑通玄鳥高牕拓翠微風
輕扶蝶翅洲暖曝魚衣祇是幽期慣鄰翁醉與歸

春日東城

睥睨滄溟上登臨興若何煙籠關樹遠鴈帶嶺雲過柔
櫓鳴春漱繁花照晚波雙江無限思只是夕陽多

豐應元

寂寞

寂寞逢秋半，褰衣坐水濱。
可憐閒盡日，翻是病宜人。
落葉疑疎雨，花開見小春。
為生更無計，終自畏風塵。

冒愈昌

得林茂之書并詩

不謂三年別，能來一紙書。
開緘如見汝，讀罷轉愁予。
淮水月常在，秋風柳易疎。
更憐詩句好，吟望意何如。

陳鳴鶴

武夷紫陽書院贈朱山人

先業依青嶂開軒獨隱居
石田畊水月芒屨混樵漁
萬壑自吹笛孤燈時讀書
結廬儻相許同釣九溪魚

陳汝修

夜至孫子長山齋

空山明月靜宿鳥夜驚呼
葉地履聲亂霜林燭影孤
叢巖懸墜石野水漫平蕪
梅信今年早憑君借一區

白雲洞

徑轉人疑墮煙深路欲遮危峰挂星漢古洞走龍蛇積
露蒸初日枯藤鉤落花可憐一尊酒相對煮芹芽

于嘉

旅興

莫奏思歸引羈情不可當翻書飛濕暈彈劍落秋光宿
雨殘晨雷新寒起夜堂獨憐遊子鬢今復點吳霜

童珮

送盛朝用讀書方山

靈巘華陽並松杉遠世氛藥多前代草香是隔山雲花
氣惟春識書聲祇鶴聞傳經君獨往弟子候河汾

過顧徵士陽山別業

繡壁盤空下春深花氣寒瓊瑤學島嶼靈秀走岡巒賦
向東山課琴隨流水彈還因畏塵染自剪擇為冠

夜渡湘水

若為乘夜渡貪涉此山川水自三湘合雲知七澤連蛩
聲暗秋色雁語雜寒煙莫問黃陵廟門前斷客船

陸應陽

出都寄馮咸甫

意氣如相許天涯卽比鄰
賦才稱倚馬世業有批鱗
柳暗青門色花明紫禁春
勝遊年尚少肯念老風塵

楊文驄

宿木瀆

竟日秋光冷維舟寄古邨
隔橋依榜火晚市辨方言
水已通湖氣沙看露樹根
館娃談往事歌舞夢中喧

荅陳司理卧子

峻節山陰道魚書過婺州
遠人驚異數高論許同舟
僻壤蘭為國荒城竹作樓
自憐隨去住淮海亦曾留

苦雨

海國重陰合涼飈五月寒
淋漓歎枕聽朝暮倚簾看
問路空懸屐尋山欲墊冠
獨憐黃鳥語終日自繇繇

鄭龍采

小雨復止

小雨公然止車薪水一杯已經三伏盡更得幾時來鵲
尾搖晴樹螢光上濕苔終宵仍不寐傾耳聽殘雷

張次仲

月出

微涼今夕好月出正當門岸幘微風至鉤簾清露繁客
來宜卜夜吾醉孰留髡軟語勞紅袖頻催碧玉尊

北固山

登臨來北固俯視大江濶鐵甕人煙起焦山水氣深浮

沉天設險來往客何心一塹分南北茫茫自古今

寄陸真如

草綠風翻戶河平水繞邨放船隨近遠隱几度涼溫
盆貼新荷葉窗依老樹根悠然觀化理清興與誰論

丈震孟

夏日園林

境乃同搖落人猶是勝流即今便高卧未擬賦窮愁
家傍要離冢門迎范蠡舟孤蹤安可定浩蕩五湖遊

文震亨

柳色

點染憑誰力東風著意吹自無攀折恨猶較淺深時金
粉銷難盡樓臺遠更宜卷簾愁少婦望遠更成絲

倪嘉善

九日

牢落家居久頻逢令節過秋聲聞雁少霜意入林多幽
思驚時換山游奈雨何韋生高卧穩黃菊許誰歌

張有譽

俞無殊移居光福山同顧茂倫樵水訪之不值

留贈

一徑逶迤入升階
眼膜開當牕羅洞
壑平地儼樓臺
山翠侵簷落花香
拂案來扁舟同訪
戴興盡尚徘徊

鄭鄠

池上凭欄

倒景樓臺出凭欄
一倍清枝頭魚影
亂橋底佛燈明笑

語隨波湧雲霞近水行微風吹月散依舊小池平

西湖泛月

西湖能得月一度夢仙遊小棹波心去寒山月影浮更
無歌舞到獨有水雲留睂目存真色春光未及秋

王錫衮

聖駕臨雍恭紀二首

乍挹方諸水來湘泮水芹金樞澹華月玉露展蕭辰俎
豆三千士都俞十九人公庭看萬舞未許羽衣陳

樸學臯謨古昌言聖主聆硬黃摹獵碣淡墨捧名經
胄子齊歡洽真儒足典型自今隆祀典常照簡編青

姚孫槃

車中漫紀

茅店孤燈黯繩牀旅夢安不知一夜雪但覺五更寒
際曉山山白因風樹樹殘憂時誰紀瑞默坐卷簾看

黃宗昌

七夕有懷

危坐撫佳節蕭蕭但雨聲閨中兒女態天上別離情秋
入玄蟬急年侵白髮生所嗟垂老意張角總無成

吳振纓

棲賢看梅

萬樹惟一色半山堆白雲鳥啼邨不夜香遠客先聞近
寺松陰合橫枝澗影分誰家修竹裏簾外亦紛紛

蕭士瑋

客愁

不待秋風起思鄉念已生髮愁今夜白月好故園明孤
客人千里荒城鼓二更傳燈沽濁酒屈指數遊程

春日送繆當時被謫南歸

正好留連日翻為惜別人憐君愁對酒作客怕逢春芳
草迷歸櫂啼鶯傍逐臣東風如有意莫遣柳條新

滁陽晚行

禾黍斜陽道秋風匹馬行古原荒霧白野水暮雲平酒
逐年偏減情因老更生不知今夜月何似故鄉明

孟兆祥

硤石

硤石分秦險郵亭日欲低未知山近遠已失路東西遠
水看煙起深林畏鳥啼鳳城何處是彌望草萋萋

吳麟徵

簡友

玄亭今在否竹馬舊過尋尚憶人如玉那禁雪滿簪平
湖秋水闊板屋夜燈深莫更疎還往相看歲暮心

祁彪佳

豐莊

為愛農家樂莊居築圃塲秧針霑雨足稻子過風香北
郭依桑樹東臯接藕塘主人多種秫春酒足壺觴

徐石麟

曉發新州

江抱新州碧沙仍舊日黃難期晴雨色莫辨水雲光逆
旅便風俗征人漸老蒼平生我任達久矣破行藏

黃州晚泊

赤壁雲初暝，烏林日漸紅。
波搖兩岸火，語隔江風夢。
鶴捎天路，然犀逼水宮。
天寒游子意，清夜月明中。

望匡廬

突兀此何處，匡君廬。亘天黛浮五老壁，青入九江船。
慧遠林中寺，康王谷口泉。符生今已老，誰與買山錢。

池口有懷

黃鶴池邊鶴，金雞石上雞。
乘雲千載去，落月幾回啼。
不

見仙人跡空傳過客題蕭條暮江上腸斷楚天低

次蕪湖

倚櫂鳩茲邑山光雜水氣估檣蟠郭近市語隔江聞煙
氣凝為霧歌風散入雲古來佳麗地無日不紛紛

吳孔嘉

黃山雲谷

在鉢盂峰下余顏
其額為傳鉢堂

雲棲傳勝地鐘板六時開一鉢當峰立雙松擁戶來瀑
泉飛石澗巖樹蔭香臺舊有題詩在生公去不回

侯岐曾

望湖亭口占

俯檻卽湖陰，沿流望隔峰。
開三面，色人雜五方音。
簫鼓龍祠鬧，松楸馬脊深。
悠然喧寂理，飄泊一觀心。

鉏用登

小園初成陳仲醇過

版築登登罷，圖書處處遷。
茅柴過橋酒，燈火到門船。
竹徙上番雨，荷開半兩錢。
醉吟無不可，爲我拂朋箋。

沈弘度

憶北園

頗憶衡門下幽居有北園
覆檐新竹嫩滿地刺梅繁
好友時來過青琴每自援
齊民有要術試驗老農言

張永禎

薊州道中

正馬漁陽道休嗟行路難
霜林無定葉秋水有餘寒
白鴈飛初下明霞落未殘
盤山凝望裏煙外出層巒

魏學洧

茅簷雜詩

只在塵寰內居然徑獨迂此君疎類我石丈老於儒
候雨迎鳩婦栽花薙鼠姑客來深自慰知有濁醪無

朱茂昭

楊明府龍友以山水畫扇見寄并訂遊吳之約
以詩代答

楊君黔州客愛寫吳下山沙中羣雁起天末孤雲還橘

袖經冬樹楊梅銷夏灣扁舟何日共吹笛到吳關

陸嘉穎

望君山

木葉下蕭蕭山容更寂寥浮天江縣小隔樹海門遙帝
子何由降騷人不可招無心貪利涉來往信漁樵

馮嘉言

月夜舟行

薄暝南川路相攜上釣舟江風鳴遠樹野水映危樓濁

酒高歌處征帆古渡頭月明動幽興擬作五湖遊

李世熊

黃昏又雨

做冷添秋碧將煙蘼菊黃野潭妨釣月
弱艇阻凌霜惱
夢猿三峽牽思水一方誰家羌笛晚清怨逼瀟湘

廖孔說

贈友

甄粟猶堪煮經時可閉關老愁堪落葉貧不厭青山薄

簞酬秋水孤燈管夜閒
擇冠文有意為稱鬢邊班

客至

不向紅塵去閒眠日幾回
餘花山槿落小卉海棠開
制解僧初出涼生客漸來
共言西澗水經夏起枯埃

田狩龍

湖莊即事

村舍愁無寐書窗試短檠
供魚多網戶致酒有門生
野寺鐘聲急荒郊鶴淚驚
前溪花落處殘月照人行

山中示諸子

寂寞憐吾道，秋風苜蓿盤。
談經多問難，落筆富波瀾。
晚醉羔兒酒，閒簪柳子冠。
新來霜著鬢，拭鏡每頻看。

題山水抱琴圖

曳杖臨溪水，過橋山更青。
攜琴落花畔，載酒野雲亭。
風細知潮退，茶香雜雨腥。
撫絃思太古，踈月上牕櫺。

林有麟

峨眉夜行

于役經時晚樓船秋色中寒邨依北斗孤角咽西風江
細流峨月霜高斷峽鴻可堪蒙嶺外燧火夜深紅


王屋

辛酉端陽日

午節今朝是開尊召酒徒趁晴刪艾葉冒雨剪菖蒲重
碧杯中滿輕黃額上塗醉憐霜鬢短還插健人符



御選明詩卷六十四



總校官庶吉士臣侍朝

校對官檢討臣蕭九成

謄錄貢士臣傅瓌芳